


Kodak Gray Scale



© Kodak, 2007 TM: Kodak


A 1 2 3 4 5 6 M 8 9 10 11 12 13 14 15 B 17 18 19



Kodak Color Control Patches

© Kodak, 2007 TM: Kodak

Blue Cyan Green Yellow Red Magenta White 3/Color Black



210.1  
A638k  
W

續皇朝史略 青山延于著

二



210.1  
A638k



560881

續皇朝史略卷之二

水府史臣青山延子著



後土御門天皇諱成仁後花園帝子也母嘉樂門院長

祿元年為親王寬正五年七月受禪皇胤以前關白

持通復為關白○八月尊後花園帝曰太上天皇歷代

○冬十一月大將軍義政准三宮足利○義政罷管領

細川勝元以畠山政長代之尊卑分脈長○時義政在

職日久頗倦機務有去職之志義政弟義尋為僧在淨

土寺遣使諭之曰吾欲傳職於汝汝宜返初服義尋固

續皇朝史略 卷二



辭不可義政遺書固誓曰吾若生子必當為僧上帝降

監我不食言矣義尋乃還俗更名義視徙居三條第號

今出川以細川勝元為執事而義政貪戀富貴竟不去

職應仁記將軍家譜十二月義視任大納言補任○時紀綱奢亂

賞罰無常近江人熊谷某知世將亂上書諫之義政怒

奪其采邑○六年春三月義政遊花頂山若王子大原

野等地觀花時將士奢侈至以沈檀黃金為筋又至伊

勢春日鹵簿衛從窮極靡麗由是賦役無度上下罷敝

民皆思亂矣應仁記○秋九月有星如月自西南飛東北

光照天地聲如雷霆識者以為兵革之兆應仁記應仁外記如是院

年代記○冬十一月義政子義尚生家譜應仁記義尚後更義

熙親長記○十二月帝即位紹運錄○初斯波義敏之西奔

也大内教弘厚供給之欲請還之京師會伊勢貞親為

義政所親任貞親納義敏娣為妾以故義敏因貞親請

還義政許之至是義敏還京師應仁記應仁外記是歲義政遣

使于明善隣國寶記○文正元年春正月足利成氏出兵五

十子與上杉房顯對陣喜連川判鑑二月房顯卒于軍足利

政知台越後守護上杉房定子顯定為房顯嗣居山内

鎌倉大草子○義政遣使朝鮮國寶記○夏四月義政罷斯波

義廉尾張遠江越前守護職以義敏代之遣使曰宜以



第宅付義敏時義廉與山名持豐約婚乃馳使告之持  
豐大怒與土岐成賴一色義直六角高賴等諸將集兵  
為防戰備應仁義廉亦集兵自守京師騷擾人或流言  
義視黨義廉作亂義政聞而惡之義視潛逃細川勝元  
家諸將連署訴貞親罪狀義政不獲已逐貞親於是貞  
親奔近江義敏奔北國既而義政知義視無罪召還之  
畠山義就聞京師兵起自吉野入侵河內政長所置戍  
兵皆棄城走應仁初義政夫人藤原氏生子義熙竊屬  
諸持豐曰妾不忍棄此兒於桑門卿幸保護之持豐以  
為嗣君襲職則勝元得志不如輔翼郎君以為世嫡當

今之世與我戮志者唯有義就耳乃因夫人請赦義就

義政從之冬十一月義就還京師初持豐女適細川勝

元應仁以故持豐初黨於政長康富及勝元助志松政

則持豐憤恚遂與勝元成隙至是竊謀傾之應仁是歲

僧正哲宗砌並死應仁正哲善和歌為東福寺書記世

稱哲書記和歌深所著有草根集正哲物語行于世宗

砌以連歌聞所著有古今連談抄搦本○應仁元年春

正月山名持豐與其黨吉良義藤斯波義廉畠山義就

畠山義統畠山教國一色義直一色義遠下山貫益仁

木教將土岐成賴山内政綱及其族山名政清教之等



議攻勝元迎義視入室町第擁兵警衛於是勝元黨與  
 吉良義真吉良義富赤松政則赤松貞祐山名是豐佐  
 佐木勝秀六角政信武田信賢武田國信仁木成長及  
 其族細川成之勝久等馳集勝元家政長亦集兵守其  
 第持豐請討勝元政長義政不聽應仁外記故事每歲正月  
 將軍臨管領第於是政長大設供具至期義政不至政  
 長憤歎曰頻年大役相繼而我恪勤不懈今有何辜踈  
 我乃爾義就聞政長失寵大喜乃益修攻戰之具應仁記  
 己未以亂停蹈歌節會補任辛酉政長火其第出陣御靈  
 社持豐請帝及上皇移蹕室町第詔討政長詔討政長據補任

於是義視命勝元勿援政長義就率兵攻政長政長拒  
 戰不克應仁外記焚御靈社而走義就兵認社中燒尸以為  
 政長已死持豐等大喜罷兵應仁記丙寅車駕還宮補任  
 二月義政以斯波義廉為管領執權次第○夏五月關白持  
 通罷前太政大臣兼良為關白補任○勝元悔不援政長  
 移檄諸國發兵應仁外記於是攝津河內和泉土佐讚岐阿  
 波淡路叅河紀伊越中隱岐出雲飛騨播磨備前美作  
 安藝若狹之兵十六萬餘集京師持豐亦集兵但馬備  
 前備後伯耆因幡石見美濃尾張遠江伊勢大和近江  
 周防長門之兵十一萬餘集京師勝元陣東京持豐陣  
 續皇朝史略 卷二



西京持豐令一色義直衛室町第勝元以為舉兵無名  
不如擁將軍以彌令天下乃遣兵擊破義直入謁義政  
請將府旌旗豎之第門分遣諸將攻持豐勝元部將藥  
師寺與市鼓譟攻持豐營破之持豐部將太田垣等退  
守芝藥師時敵將畠山義就守花坊山名教豐守大宮  
口六角政信斯波義敏細川持賢等縱火攻之不克勝  
元遣京極持清救之斯波義廉部將康野朝倉甲斐織  
田等奮戰拒之持清兵敗走至一條戾橋溺死者甚衆  
赤松政則又進攻之敵兵遂敗兩軍連戰累日吶喊之  
聲震動京邑殺傷甚衆○六月持豐兵火一色政氏宅

會風勢猛烈延燒二十許里上自御靈衢下至二條西  
自大舍人寮東至室町公私屋舍三萬餘區焚蕩無遺  
京師兵燹之慘極矣會大內政弘率大衆入援持豐應  
記政弘教弘之子也圖系時武田基綱守三寶院護衛禁  
內政弘及土岐成賴六角高賴率兵來攻基綱拒戰甚  
力敵兵盡銳攻之基綱部兵皆死三寶院遂陷○八月  
勝元召部將安富元綱謂曰我軍屢敗衄蓋由莫府之  
士有通謀西軍者若不逐此徒禍將不測矣元綱曰事  
不速決噬臍無及勝元乃以兵數千圍將府數重義政  
大驚使吉良義真問之勝元請逐一色政熙上野政直



伊勢貞藤等政熙已下名據異已者十二人義政從之

政熙等怒曰吾屬有何罪而至是與其偷生取辱寧死

而留名也皆擐甲執兵將出戰義真諭止之衆稍定政

熙等遂出奔既而持豐犯闕奪乘輿丙辰勝元遣細

川教春迎帝及上皇幸室町第勝元以義政意右持豐

憲其奔西軍欲挾天子以彌令天下故遣兵迎之應仁

使吉良義真防衛禁內義視與義政在室町第勝元請

迎義視入其營義視不聽遂出犇伊勢依國司北畠教

具外應仁時勝元軍屢敗持豐乘勝縱火攻之勝元退保

相國寺應仁○九月彗星見長丈餘和漢○冬十月己

丑相國寺僧為持豐內應縱火寺中勝元使安富元綱

等守東門畠山義就大內政弘一色義貞六角高賴等

率衆數萬攻之高倉守將武田信賢京極持清等不戰

而潰走元綱兄弟驍勇善鬪却敵者數回遂死之會日

暮兩軍交綏戊子義直高賴入據相國寺墟勝元守兵

多逃散相國寺密邇將府政長見勝元曰敵軍已據相

國寺則往來路絕我軍何以守將府宜速遣兵驅之不

然則吾屬為釜中魚矣勝元然之乃使政長擊之東條

近江守為後距政長見敵兵甚盛自奮曰我不却此賊

必不生還徑進攻之東條率兵橫衝敵陣高賴等敗走



遂復相國寺應仁初敵兵攻相國寺也義政方宴夫人  
藤原氏見煙炎蔽第勸義政出避義政飲酒神氣自若  
松田某進曰事急矣願賜一椀以為榮義政舉椀賜之  
松田乃嚼曰捐軀報恩正在今日遂出戰死之既而細  
川成之入見夫人使人謂之曰卿宜奉將軍避賊成之  
徐對曰臣今遣兵驅掃之耳又何患焉應仁○二年春  
正月義政以斯波義良為管領義良義廉之子也○夏  
五月義政罷義良管領復以勝元為之尊卑○秋九月  
義政罷左大臣皇○勝元部將內藤貞正起兵丹波入  
援京師與持豐兵戰嵯峨敗績勝元欲遣兵救之而路

梗不通乃使山名是豐浦上則宗攻舟岡城破之○帝  
召義視於伊勢冬十月義視還京師時京師流言勝元  
謀廢義政立義視內外洶洶勝元患之以為令義視奔  
敵軍則無憂矣乃說義視出京十一月義視奔比叡山  
持豐果遣人迎之○文明元年春三月勝元遣兵襲持  
豐營縱火攻之持豐督戰却之○夏五月多賀高忠率  
近江兵入援勝元陣如意嶽六角近網起兵近江欲襲  
其虛高忠引還近網高賴之子也高賴子據義政使  
武田信賢城北白川以通運道山名是豐城天王山與  
畠山義就對壘會備後賊起是豐就國討之義政使志



松政則守天王山外應仁記○大内政弘臣二尾某作亂周

防奉政弘伯父道顯以為主送款勝元太宰少貳教賴

起兵對馬侵筑前圖復舊土應仁外記家譜○冬十月盜殺權

大納言藤原政房于攝津補任○二年秋七月關白兼良

罷○八月左大臣藤原政嗣為關白補任○義政遣使朝

鮮國寶記○冬十月丁未雷震相國寺塔○十二月丙寅

後花園法皇崩于室町行宮親長記時京師兵革相踵公

卿百官率皆逃散兼良政家奔奈良教房及子房家奔

土佐政家據長興記按本書云教房奔奈良教房及子房家奔

也應仁外記○三年春正月葬法皇于悲田院時泉涌寺為

賊所據故葬于此親長記○近江守護六角高賴起兵將

入京師京極持清擊破之應仁別記高賴持清並佐佐木定

綱之後高賴五世祖泰綱始稱六角持清高祖高氏始

稱京極世為近江守護佐佐木應仁已來兩家始構兵

累世相爭干戈無弭云總見○三月足利成氏出兵攻

足利政知政知兵逆戰于三島不克會上杉政真遣兵

救之成氏兵敗走○夏五月上杉顯定部將長尾景信

率大衆攻古河城大草○斯波義廉部將朝倉孝景歸

順義政以孝景為越前守護應仁○六月景信拔古河

城成氏走下總依千葉孝胤顯定政真駐軍五十子平



成氏餘黨子大草○冬十二月彗星見東方貫太微星親長

記○四年春成氏攻古河城拔之子大草○秋七月多田

廟數震動議者言多田廟源氏之始祖宜贈爵位以霽

神怒○八月詔贈故正四位下源滿仲從二位親長○

冬十一月成氏破政真於五十子斬之政真無子以持

朝子定政為嗣任修理大夫子大草○五年春三月山名

持豐卒年七十○夏四月壬戌太白犯輿鬼庚午歲星

犯房○五月管領右京大夫細川勝元卒年四十四親長

記○冬十二月義政罷征夷大將軍以子義熙拜征夷

大將軍補任家傳○六年二月丁卯熒惑犯輿鬼親長○夏

六月以邦高為親王邦高貞常之子也皇○秋七月皇

叔式部卿貞常親王薨贈一品親長皇紀貞常博學多識

為世所重及薨人皆悼惜焉親長○九月先是義政遣

使于明明主付以勘合會天下喪亂所得勘合為賊所

奪至是遣使朝鮮諭告之使為請於明京華集○七年

春正月辛亥朔始行四方拜應仁已來朝典悉廢至是

諸節會皆復舊乙亥行縣召除目○三月京師大風○

夏五月大雨水親長○六月遠江人橫地勝間田諸族

作亂駿河守護今川義忠討平之還至鹽見坂賊兵復

起義忠中流矢而卒和漢合符今川記○秋七月駿河



兵擊遠江賊平之符○八月義政遣使于明求典籍及

銅錢京華集國寶記○初六角高賴掠奪延曆寺封邑僧徒請

討之符九月延曆寺僧徒擊破高賴於近江斬獲數百人

冬十月美濃尾張兵援高賴延曆寺僧徒敗還長興記○

十一月斯波義廉奔尾張符合是歲內大臣藤原政家還

自奈良長興記○八年春二月雷震平野社親長記○春日

山震動皇記○夏五月關白政嗣罷左大臣藤原政基代

之補任長興記○六月前左大臣藤原勝光薨義熙母勝光

之妹也以故勝光叅決將府事威權赫奕玩瓌奇充

積居室至是薨長興記○秋八月加茂社火先是加茂氏

人與社司構怨殺社司數人至是社司結黨殺氏人數

十人餘黨據加茂社拒戰遂火社自殺康子以加茂災

廢朝三日親長長興記○以皇子尊敦為親王長興記○九月

以無品邦高親王為式部卿皇紀○斯波義廉將兵赴越

前攻朝倉孝景長興記○冬十一月辛亥室町行宮火累

代典籍悉燬帝幸義政小川第壬子徙御北小路第○

九年春正月武田信賢將士與杰松政則部兵鬪爭遂

攻政則營戰北小路矢及行宮義熙親出止之事稍定

長興記○初上杉顯定執事長尾景信死其族忠景代

為執事景信子景春憤邑遂密謀叛至是據武藏鉢形



城襲顯定定政於五十子破之顯定定政走那波太田  
 資長擊破景春於用土原景春退保鉢形顯定定政進  
 陣甘糟原スアマカスノハラニ○秋七月足利成氏師兵數千救景春顯定  
 等退屯白井スシロ○九月大内教弘歸順畠山義就奔  
 河内○冬十月土岐成賴奉義視奔美濃西軍將士悉  
 皆奔散應仁已後十一年間兵革相踵京師為爭戰之  
 區至是亂始平矣親長記○前關白兼良還京師長興記  
 ○是歲畠山政長復為管領家譜○十年春正月足利成  
 氏與上杉顯定講和○三月太田資長拔鉢形城顯定  
 徙居焉○秋七月成氏復還古河千葉孝胤據千葉城

應景春資長築砦國府臺即鶴臺也以拒之大草○八

月義政與義視行成長興記○冬十月義政令織田敏定

略尾張十一月敏定城清洲十二月齋藤利勝率濃江

兵圍之符合敵射敏定中目敏定戰愈力敵兵竟退京華集

○太田資長擊破千葉孝胤於境根原孝胤退保白井

大草時資長威名日著關東將士多屬定政顯定由是

與定政有隙鑑判○十一年春正月戊午朔雷○齋藤利

勝圍清洲踰歲不拔遂解圍而去符合○二月關白政基

罷右大臣藤原政家代為關白補任親○秋七月乙卯

朔北小路行宮火帝幸聖壽寺乙丑徙御侍從藤原政



資第親長記○冬十二月戊午車駕還土御門宮紹運

是院年代記○十二年秋九月前關白政嗣薨補任○冬十月

前關白教房薨于土佐幡多○十二月以皇子勝仁為

親王宣胤○十三年夏四月前關白兼良薨年八十宣胤號

後成恩寺補任兼良才學絕倫博涉古今諳練典故為天

下所倚賴及薨人皆歎惜焉宣胤所著有公事根源花

鳥餘情東齋隨筆等皆行于世書籍目○秋七月以前

右大臣源通博為太政大臣補任○冬十月京師盜起應

仁已後造新關於各所以備非常至是土兵作亂抄掠

焚關宣胤○冬十一月僧宗純卒年八十八宗純號一

休少游學東山善屬詩性闊達不拘泥矩度詼諧翫世

晚年為大德寺住持後築瞎驢庵於東山居焉初後小

松法皇臨崩召見賜以先朝奎翰及御書飛白數帖宗

純生平不藏一物惟法皇所賜啟翰終身寶愛所至必

携未嘗離身云其所著頌偈曰狂雲集休年譜○十四年

冬十月太政大臣通博薨○十五年春二月關白政家

罷前左大臣政平代之補任○三月義政遣使於明求銅

錢京華○秋七月義政造第於東山居焉勅賜號東山

殿使狩野祐清畫瀟湘八景於殿內命五山僧徒題詩

於其上京華集古器名畫屢設茗宴以遣世憲家茶人

續皇朝史略 卷二 十二



周光之徒尤見親近自是之後茶湯盛行云茶湯傳書

外史氏曰在昔唐陸羽以好茶聞于世自是之後高人逸士遺世絕俗肆志山林者往往愛賞不置然未有王公大人好之者也至本朝源義政留意茶事而茶人周光之徒迎合其好新意出奇自後轉相倣效遂有茶家者流至豐臣秀吉尤好之於是乎宗易之徒益加文飾茗飲甚盛至今王公大人競相尚慕一器之微至費千金其弊有不可勝言者夫古之好茶者清簡寡欲脫略世務以為方外之遊而今之諸侯驕奢多欲蕩盡貲財以供無用之事茗飲之為害吁

亦甚矣義政暗懦為強臣所牽制退隱東山優游玩愒以泄其不平之意而至于流毒後世為人君者可不以為戒哉

○十六年冬十一月京師盜賊蠢起義熙遣兵討平之親長記 ○十七年春三月關白政平為太政大臣 ○夏四月

月政平罷補任 ○六月義政薙髮號喜山家譜 ○秋八月大

將軍義熙與足利成氏行成鑑判 ○十八年秋七月上杉

定政殺其執事太田資長初定政以封地狹小常屬顯定及資長相之內修國政外總軍旅撫民愛物將士畏服兵威日彊顯定忌資長欲除之使人為間定政信之



至是召資長于糟谷殺之關東兵亂記結城戰場記東

盡時年五十五 梅花無 資長臨死作和歌聞者哀焉山東

殿日記按關東兵亂記以加加

外史氏曰孟子有言人必自侮而後人侮之國必自

伐而後人伐之自古人君以讒間殺其臣未有不危

其國者也故子玉死而楚國弱伍胥死而吳王亡檀

道濟死而劉氏衰斛律光死而齊社屋高頴死而隋

室傾岳飛死而宋師燼凡此數君者皆自破其干城

以資敵國不徒取笑一時亦足以亡其身而危其國

也上杉定政任用資長國富兵彊威震關東及一旦

聽讒殺之人心瓦解疆土日蹙卒為北條氏所并此

理之必然何足怪哉

資長薙髮稱道灌雅尚文藝嘗營燕室於江戶城名曰

靜勝命僧集九作記又創菅廟植梅樹數千株即今平

是集九詩云山仰士峰人道灌其為當時所推服如此

子資康亦好文雅有父風每在行間不廢吟哦云梅花

歲○九月石清水社人鬪爭○冬十月以石清水宮中

喋血廢朝三日親長○長亨元年春二月關白政平罷

以前內大臣藤原政忠為關白補○夏五月以伊勢外

宮災廢朝五日親長○義熙以細川政元為管領政元



勝元之子也系○九月義熙自帥師討六角高賴以富

樞介政親為前鋒冬十月進次近江親長高賴棄城走

匿甲賀山義熙進屯鈎里足利季世○上杉顯定與其

子憲房議伐定政太田資康募兵應之關東將士多叛

定政屬顯定○二年春二月顯定及定政戰于實蔭原

敗績關東兵亂記按判鑑為○夏四月嘉樂門院崩親

記○六月加賀一向宗僧徒作亂殺富樫介政親加越

大亂親長記加○顯定與定政戰于須賀谷原又敗績

兵亂○秋八月關白政忠薨內大臣藤原冬良為關白

○九月前關白政家任太政大臣源義熙任內大臣○

冬十月前關白房嗣薨親長○十一月顯定與定政戰

于高見原破之梅花無○延德元年春三月征夷大將

軍義熙薨于近江年二十五親長記宣亂義熙聰敏好

學在行中使人讀書而聽之文祿常有撥亂之志至是

薨竟不得如其志人皆惜焉義尚近江之役一日泛

舟於湖水遇二童子棹舟而來問其閭里曰住梅原義

熙賦詩曰湖邊自異山林興童子尋梅棹小舟而起句

未成其夜夢有人續成之又嘗陣于鏡山之下時方酷

暑士卒皆疲義熙乃作和歌曰計婦婆迦理區毛連

阿敷美儂箇箇美夜未多耻儂耶都聯儂迦計儂美由



類珥少選天陰風生衆皆蘇息文祿嘗就一條兼良問

治體兼良作樵談治要文明一統記贈之樵談治要文

○夏四月義視與其子義材還京師義政養義材為嗣

記親長○二條春盛死年一百七十三春盛不詳何許人

或云京師人花園帝文保元年生少奉小角之道尤精

密乘尊氏義詮皆召見之又嘗謁義滿義教好修塔廟

每有壞者竭力修造晚年絕穀一日病死七日復蘇世

以為異人至是死京華集○二年春正月前征夷大將軍

源義政薨親長年五十六號慈照院家傳義政荒耽酒

色委政婦人賄賂公行刑賞僭濫應仁已後天下大亂

禍溢數世云應仁義植嗣立初名義材又改義尹後更

今名○秋七月義植拜征夷大將軍叙從四位下義視

准三宮○三年春正月義視薨年五十三勅贈太政大

臣系圖○夏四月足利茶茶丸弑其父政知四月據初

政知有二子長茶茶丸次義遐義遐後妻所生也政知

鍾愛之欲立為嗣錮茶茶丸於別室令人守之茶茶丸

伺守者急潛出幽室刺殺繼母遂率其黨攻政知政知

自殺義遐時年十三左右扶之奔駿河依今川氏親氏

親送之京師居天龍寺香嚴院足利季○秋八月義植

將師討六角高賴帝詔賜錦旗冬十一月與戰于大津



斬山内宮内大輔送首京師梟六條河原○明應元年

春正月織田敏定擊破高賴親長遂拔觀音寺城高賴

走甲賀足利季○夏五月斯波義廉帥舟師向甲賀谷

○冬十月義植帥舟師進至森田賊徒潰走乃凱旋和

記是歲義植遣使于明京華○二年春正月關白冬良

為太政大臣補○初畠山義就死子義豐在河内與政

長構兵足利季政長陣正覺寺二月義植自將討義豐

次正覺寺親長細川政元與政長爭權不相能遂與義

豐通謀京極山名一色等諸將皆黨政元攻正覺寺足利

季世記○三月太政大臣冬良辭關白右大臣藤原尚通

代之○夏四月細川政元迎足利義遐立之壬戌以義

遐叙從五位下於是義植將士多叛去閏月正覺寺軍

潰政長自殺子尚順奔紀州上原賢家執義植足利氏

世傳義家鎧名曰小袖義植脫以付賢家政元幽義植

於上原秀家宅親長○播磨守護赤松政則卒子義村

嗣義村同族元久之子也政則養為嗣義村幼其老臣

浦上則宗專決國事則宗死子村宗代秉國政跋扈滋

甚赤松○秋七月義植潛逃奔越中冬十月如越前

依朝倉貞景親長貞景孝景之孫也宣胤記按天正年

○上杉定政卒子朝良嗣○是歲伊勢氏茂襲堀越取



之判鑑氏茂京師人稱新九郎備前守盛定之子也初名

盛時東山殿日記北條系畷足利季世記○按系畷云

為駿河守貞道所養北條記為照康子照康即貞

道法為人豪邁有謀略善騎射通鈐韜關東兵亂記初

事義政後去至駿河依今川義忠義忠氏茂之姊夫也

及義忠死氏茂輔氏親有功氏親以為高國寺城主會

足利政知死國大亂氏茂遂襲堀越取之足利季世記城菲

山而居焉改氏曰北條北條嘗使人讀三略而聽之至

主將之法務攬英雄之心歎曰此一言而足乃掩卷而

罷其敏捷如此甲陽軍鑑○冬十月地大震○十一月近江

志賀郡民作亂據日吉社延曆寺僧徒討平之親長○

十二月以源義澄為征夷大將軍義澄初名義遐系畷

○三年夏五月地大震親長○秋九月三浦義同弒其

父時高按兵亂記作初時高無子養上杉高枚子義同

為嗣後生一子欲遂廢之義同潛逃總寧寺在相家臣

多從之小田原城主大森實賴亦助義同義同起兵數

與時高戰至是襲時高於新井城時高自殺北條

外史氏曰三浦時高受持氏之命守鎌倉及上杉持

房來討不翅不能死之至倒戈以攻義久其不忠不

義天下之所不容也卒之父子構難身死國亡天道

好還豈不信哉



○四年春二月北條氏茂襲大森實賴於小田原破走之  
之初氏茂以與實賴接境遣使修好至是氏茂遣使請  
實賴曰予以數獵境內之獸悉入宮根願使獵人驅之  
實賴許之氏茂乃使士卒獵裝持竹槍登宮根其夜氏  
茂潛率兵隨之東炬火於牛角臨城縱之勁兵數百從  
其後掩擊會實賴出兵援上杉朝良城中守兵甚少實  
賴倉黃出奔氏茂遂取其城兵亂記自是氏茂兵威益疆  
一日會其老臣謂曰在昔源平二氏迭秉兵權而建武  
已來平氏不振今源氏方衰平氏將興是吾畜進取之  
秋也乃禱三島祠一夜夢一鼠嚙斷二杉樹大喜曰吾

生年在子天其或者欲使我并兩上杉氏歟吾子孫必

當有關東矣由是遂有兼併之志兵亂記 甲 陽軍鑑氏茂居菲

山使子氏綱居小田原○伊豆之西南有島曰八丈島

其俗貴女子賤男子女子主家事男子出為贅婿伊豆

人朝比奈知明始至此島自是島人屬北條氏每歲貢

絹云記北條○秋九月前太政大臣冬良上僧宗祇所著

菟玖波集記親長○五年春正月丙戌准后政基殺大内

記菅原在數少納言菅原為學等連署上疏訴其寃帝

震怒停政基朝參和長記○六年夏六月關白尚通罷内

大臣藤原尚基代之○秋七月太政大臣冬良罷補任○



九月左馬頭足利成氏卒于古河子政氏嗣判鑑○冬十

月畠山尚順率兵入河内擊畠山義豐走之天地根元圖○

關白尚基薨冬良代之補任○是歲多武峰火根元○七

年秋八月癸未地大震和長記是月數震伊勢紀伊參河

海溢天正年代記○八年春正月畠山尚順及畠山義豐戰

于河内義豐敗死東寺過去帳天正年代記○三月辛未越前大雨

雹和漢合運○秋九月畠山尚順侵山城攝津細川政元

遣兵拒之○冬十一月義植起兵入近江陣坂本義澄

遣兵逆擊破之義植奔周防依大内義興天正年代記○十

二月細川政元使赤澤朝經朝經薙髮稱宗益納畠山義英於

河内尚順拒戰不克奔紀伊應仁後記義英義豐之子也系

○九年秋八月參河安祥城主松平親忠卒子長親嗣

親忠新田義重之裔其先世居上野義重子義季稱德

川四郎親忠曾祖親氏始來參河土豪松平信重以女

妻之因冒松平氏親氏子恭親為參河目代至孫信光

攻安祥城取之親忠信光之子也性寬仁愛物翦除鄰

敵漸開基業嘗謂其臣曰我勞心國事公平是務然國

多冗費是我所憂也其臣曰臣等微賤猶且多費况於

國乎君好施與民蒙其澤費於何有親忠曰非此之謂

也夫有一國者養一國之人民厚祿重賞以勸有功非



所謂費也吾之所憂賢才沉伏而不能舉佞邪顯達而

不能退徒費廩祿以養素餐無用之士此之謂冗費若

夫祿賢賞忠何費之有聞者歎服嘗建一寺於額田郡

名曰大樹寺大樹將軍之號也後子孫大興蓋其非也

武德大成○九月帝崩壽五十九紹運在位三十六年改元

者六曰文正應仁文明長亨延德明應如是院勝仁親

王立是為後栢原天皇

後栢原天皇諱勝仁後土御門帝長子也母准后源氏

文明十二年為親王至是踐祚紹運○文龜元年春二

月義澄奏罷源義植職補任將軍家譜○夏六月關白冬良罷

內大臣藤原尚經代之補任○秋七月雨雹大日本傳○

二年畠山尚順出兵大和陷越智城義植與尚順薙髮

號卜山足利季○永正元年春二月以貞敦為親王貞

敦邦高之子也○秋七月詔贈故准后源氏皇太后○

九月攝津守護代藥師寺元一叛志澤朝經應之京師

釋騷細川政元遣藥師寺長忠長忠據擊破之斬元一

宣胤政元以長忠為攝津守護代長忠元一之弟也長

忠由是專權季世○上杉朝良及上杉顯定戰于立河

原敗走冬十月顯定攻朝良於河越朝良求成顯定解

圍而還兵亂○十一月畠山尚順侵河內宣胤○二年



新皇朝史略

冬十一月志澤朝經侵河内代略年○三年春正月避方

忌於清涼殿○朝經陷高屋城南都興福寺僧英俊日記○秋七月

彗星出○越前一向宗僧徒作亂守護兵討平之斬獲

一萬○八月若狹守護武田元信及丹後守護一色義

有戰敗績義有元信據細川政元記○九月志澤朝經攻多武峰縱

火焚之○春日社林木數千株無故而槁宣亂記○甲申

歲星與熒惑慎星相犯和長記○四年夏六月細川澄之

弒其父政元宣亂記初政元深信愛宕神居常齋戒不近

婦人好行幻術以故年四十無子家臣患之勸政元養

關白政基子澄之稱九郎為嗣與之丹波既而又養同族

之勝子澄元稱六郎為子時政元益信奇衰喜怒無常會

澄元至自阿波三好之長為傳之長勇有才略藥師寺

長忠與山城守護代香西元長山城守護代香西元長謀以為主

君狂暴必至危家若六郎襲職之長必秉權不如立九

郎為嗣則吾屬不失權矣季世記時澄之亦怨政元乃潛

與元長等謀逆至是政元齋居乃使竹田孫七按季世記作右

華戶倉今從本就浴室弒之浴室據元長攻澄元縱火

焚其第澄元大敗奔近江○秋七月澄之至自丹波義

澄命為政元後○八月壬申細川政賢細川高國細川

尚春攻破澄之誅澄之及元長長忠等癸酉澄元入京

續皇朝史略

卷二

三



師三好之長特權橫恣澄元不能制宣胤高國細川政

春之子亦為政元所養系時澄之黨奈良元吉在京師

內藤貞正在丹波伊丹元扶在攝津通謀義植奉細川

高國為主興兵諸國○五年春二月貞正等入寇京師

澄元使三好之長拒之之長敗走澄元走近江大將軍

義澄亦犇近江高國任右京大夫自補管領大內義興

奉義植至泉堺畠山尚順及畿內兵士咸屬之季世○

石清水宮火廢朝五日宣胤○夏六月義植入京師關

白政基執義植手泣曰使君早還吾兒不死矣○秋七

月義植再補征夷大將軍奏解義澄官季世○六年秋

七月先是越後守護上杉房能為其臣長尾為景所弒

至是上杉顯定率兵討為景為景敗走越中關東兵亂

房能顯定之弟也北條○冬十月盜入將府義植親自

格鬪手斬四人身被九創盜遂逸去蓋義澄之所為也

補任季世○十二月前左大臣藤原實淳任太政大

臣補任○七年夏六月信濃人高梨攝津守黨長尾為景

侵越後顯定子憲房討之不克顯定擊破為景于長森

原會高梨來救顯定敗死憲房還保白井城長尾景春

起兵遙應為景軍沼田北條氏茂城住吉及高麗寺上

田藏人叛其主上杉建芳城神奈川亦應為景憲房遣



建芳圍神奈川壘拔之藏人遁走兵亂初顯定無子養

憲實孫憲房為子至是遺言以足利政氏子義綱為子

改名顯實任民部大輔喜連川判鑑川○八月壬辰地大震壬

子遠江海溢陸地沒為海今切渡即是也李世○冬十

二月大織冠像破裂宣胤是歲對馬島主宗義盛遣子

盛弘率兵擊朝鮮拔二城進戰于熊川敗死宗系○八

年春正月庚午朔地震永正年○三月甲戌行即位禮

於紫宸殿紹運○義澄在近江生子義晴時六角高賴

素屬義植圍襲之義澄潛赴播摩依志松義村託以子

義晴既而生子義維遣之阿波託細川澄元李世○秋

七月細川澄元三好之長起兵四國入侵和泉陣深井

細川高國遣兵擊之不利高國又遣柳本宗雄荒木大

藏等擊破之○八月志松義村將兵寇京師高國與大

內義興奉義植奔丹波義澄自播摩還近江丙戌薨于

岡山年三十二義植遣使求援於六角高賴高賴使子

定賴將兵赴援於是高國義興等將兵三萬入京師澄

元之長城舟岡山拒之癸卯高國等進陣長坂山細川

政賢畠山義英將兵來攻定賴擊破之義興率騎兵五

百徑前與之長接戰定賴率部兵橫突之長陣破走之

斬政賢斬獲二千餘澄元遂奔攝津義村攻伊丹城聞



舟岡敗亦引還九月高國奉義植入京師以義興為管

領季世○九年春正月從二位陰陽頭賀茂在通薨補任

在通世典天宮通諸子百家尤精律曆又善卜筮京華集

○三月賞大内義興功叙從三位補任季世○夏四月以

皇子知仁為親王補任○六月地震補任季世○秋八月北

條氏茂攻相州岡崎城拔之三浦義同走保住吉城氏

茂又攻拔之義同退保荒井城氏茂又圍之上杉朝興

來援氏茂逆擊走之兵亂是歲大饑代記○十年春

三月大將軍義植如近江補任季世○前太政大臣冬良薨補任○

夏五月義植至自近江補任季世○冬十月關白尚經罷

前左大臣藤原尚通代之補任○十一年夏四月地大震

○六月大旱秋八月地大震代記○關白尚通為

太政大臣右大臣藤原兼輔代為關白補任○十二年夏

六月義植造第高倉十二月移居焉代記○十三年

夏四月前關白政基薨補任○六月義植許越前守護朝

倉教景用白傘袋及毛氈鞍帕季世○冬十月前太

政大臣政平薨○十二月太政大臣尚通罷補任是歲北

條氏茂拔荒井城初氏茂攻圍累歲不能拔既而城中

糧盡士卒困憊義同將大森越後佐保田河内謂義同

曰宜走上總以畧再舉義同曰吾曩祖義明已來世食



此地天下所知然而吾父滅鎌倉我亦叛父積惡已稔

我安往而得免今日之事枕城而死耳遂飲酒與訣亂兵

記至是城遂陷義同奮戰而死北條記兵亂記○按本

系子義意稱荒次郎驍勇絕倫膂力過人提丈餘鐵棒

衝突敵陣縱橫奮擊斃敵兵數百遂自刎而死年二十

一北條○十四年夏五月大水○秋九月地大震永正

記○冬十月安藝守護武田元繁圍小田信忠於有田

時毛利興元從義植在京師弟元就將兵援信忠與元

繁戰于中井手破斬之安西軍策○十五年春三月關白無

輔罷內大臣藤原尹房代之○夏四月上杉朝良卒子

朝興嗣上杉○五月前左大臣藤原政長為太政大臣

補任蝦夷作亂蠣崎光廣討平之光廣其先武田氏若

狹守護武田國信之子信廣始來松前時蠣崎修理大

夫名為上國城主會蝦夷蜂起信廣討之有功蠣崎以

女妻之因冒蠣崎氏為上國城主光廣信廣之子也徙

治松前其後寔拓疆域為蝦夷酋長云松前○秋八月

大內義興就國補任季以細川高國為管領義興在京

十一年本書作為政公平眾皆悅服季世會出雲守

護屋子經久蓋誤周防於是義興還國經略軍事安西

○十六年春三月地大震○京師大饑給米粟於悲田



院賑濟餓者○秋八月大雨水永正年代記○北條氏茂卒

于菲山北條年八十八北條子氏綱嗣系畷氏綱有勇略善

用兵○足利政氏老子高基嗣喜連川判鑑○冬十月細川

澄元率四國兵至兵庫細川高國遣兵一萬餘防之三

好之長陣久米川○十七年春正月高國將兵二萬攻

之長不利二月高國退陣屋崎之長進軍難波高國與

戰大敗奔近江之長長驅入京師義植出奔近江依六

角定賴募兵諸國土岐齋藤多賀朝倉諸族率兵來會

○夏五月定賴高國將諸國兵入京師之長拒戰大敗

走匿曇花院澄元奔阿波高國圍曇花院之長及其二

子自殺義植復歸京師六角高賴護送之○六月澄元

卒于阿波○秋八月六角高賴卒子定賴嗣季世○冬

十一月細川高國任武藏守叙從三位宣胤初義植之

見幽也有一僧姓畠山氏破幽室脫之以故義植寵秩

其子任式部大夫欲以為管領高國由是與義植有隙

○大永元年春三月義植奔淡路季世○夏六月高國

迎義澄子義晴于播磨立之時年十一和長記按季世

詔罷大將軍義植職季世○秋九月播磨守護赤松義

村為其臣浦上村宗所弑子晴政嗣赤松系畷初村宗

專權義村惡其偏也討之不克村宗幽之於室津至是



遂弒之記志松 ○冬十一月義晴任左馬頭尋拜征夷大

將軍高國為管領如故記和長 細川尹賢任右馬頭參決

鎮西事記季世 ○是歲日子經久發出雲伯耆兵略安藝

取數城安藝將士皆屬之唯毛利元就屬大内義興數

與經久戰義興不救竟屬經久記毛利 ○二年秋八月河

内守護畠山尚順卒略年代記按季世記作 ○三年夏

四月前大將軍源義植薨于阿波年五十八補世稱島

御所記和長 ○秋七月初毛利興元卒子幸松嗣至是幸

松天元就嗣毛利記安 ○是歲義晴使宋素卿聘于明

素卿明人姓朱名縞先是歸化更姓名曰宋素卿時大

内義興亦遣宗設于明宗設先素卿至寧波素卿後至

厚賂府吏府吏遂先素卿宗設大怒遂侵掠旁縣而去

家譜東 ○四年春正月己丑以三合厄修北斗法於清

涼殿記和長 ○北條氏綱將兵攻上杉朝興於江戸城朝

興逆擊於高繩不利退守江戸城氏綱急攻之朝興走

保河越城氏綱置戍兵於江戸引軍而還上杉憲房間

之欲出師襲江戸會疾不果兵亂扇谷上杉氏亡記北條

○五年春三月前太政大臣政長薨○夏四月關白尹

房罷右大臣藤原植家代之補 ○關東管領上杉憲房

卒子憲政幼家臣議以足利高基子晴直為嗣改名憲



廣襲管領職○初高基弟義明得罪政氏奔陸奥至是  
 上總守護代武田豐三迎義明以為主擊小弓城主原  
 友幸破之友幸出奔義明徙居馬里見義和及房總將  
 士多屬之威震關東喜連川判鑑兵亂記按兵○六年  
 夏四月庚申帝崩壽六十三和長在位二十六年改元  
 者三曰文龜永正大永和漢知仁親王立是為後奈良  
 天皇

續皇朝史略卷之二終

男延昌書

續皇朝史略卷之三

水府史臣青山延于著

男延光校

後奈良天皇諱知仁後栢原帝之第一子也母豐樂門

院皇胤紹大永六年四月後栢原帝崩壬午踐祚○五

月乙酉葬後栢原帝於泉涌寺和長○秋九月近江守

護京極高岑及淺井亮政戰于椿坂高岑敗績亮政其

先藤原氏居近江淺井因氏焉世仕京極氏至亮政其

主高濑閻弱老臣上阪泰貞按本書作景宗今專政國

人歸之及子高岑嗣上阪氏益專亮政起兵滅上阪氏



城小谷居焉至是高岑與六角定賴合謀舉兵討亮政

亮政請援於朝倉教景教景來救擊高岑定賴破之自

是兵威益疆盡并江北京極氏遂微總見○冬十月先

是細川高國殺其老臣香西某至是其兄波多野備前

守及其弟柳本賢治賢治據長身年起兵於丹波叛高

國高國遣細川尹賢討之不克足利季○十二月足利

義明使里見義弘侵鎌倉掠奪鶴岡神寶北條氏綱遣

兵擊破之義弘僅以身免關東兵○七年春正月己卯

朔以諒闇停節會和長○二月辛亥柳本賢治侵京師

壬子陷山崎三好勝時亦起兵應賢治軍桂川進陣久

我辛酉大將軍義晴出屯六條高國陣妙本寺遣武田

元光于七條拒之不利賢治等乘勝而進壬戌義晴及

高國走近江○三月細川晴元奉義維自阿波至堺三

好元長奉以為主晴元澄元之子元長之長之孫也○

秋九月元長賢治攻畠山植長於高屋植長尚順之子

也○冬十月越前守護朝倉教景近江守護六角定賴

京極高岑等將兵三萬餘納義晴於京師教景與畠山

義宣戰破之斬首百餘級○享祿元年春正月朝倉教

景與三好元長講和諸將罷兵各歸其國三好政長柳

本賢治素不欲和乃諧元長于晴元由是和議遂格義



晴復奔近江高國奔伊勢李世記二○冬十二月周防

長門豐前安藝石見山城守護大内義興卒子義隆嗣

安西軍策六國守護據大内系畧○二年春正月柳本

賢治陷伊丹城李世記○三年夏五月播磨人別所重直

與依藤某爭封疆構兵重直乞援於柳本賢治賢治將

兵與重直合勢圍之○夏六月浦上村宗遣刺客殺賢

治細川高國乞兵北畠晴具晴具不許之越前依朝倉

教景教景不禮去至播磨依村宗求援村宗許諾○秋

八月村宗將兵至攝津攻藥師寺國盛於富松城國盛

棄城遁高國進據富松城國盛保大物城高國急攻之

國盛出降軍勢大振李世記○大内義隆遣其將筑紫

尚門朝日賴實攻肥前少貳冬李尚令龍造寺胤久拒之

胤久部將鍋島清久橫衝其陣斬尚門賴實九州記○叅

河岡崎城主松平清康攻熊谷直利於宇理城拔之又

取屋島城先是下山中吉田數城至是兵勢大振甲斐

守護武田信虎遣使修好武德大成清康親忠之孫信忠之

子也德川信虎信重之玄孫也武田○四年春二月高

國進逼堺晴元兵擊破之高國退陣天王寺村宗陣福

島○三月細川之持起兵阿波來援義維○夏五月之

持攻天王寺赤松晴政一作政村今起兵應之初晴政

續皇朝史略 卷三



父為村宗所害至是欲復父讐出屯神咒寺聲言救高國於是播磨兵皆叛村宗屬晴政村宗寡弱不能支六月高國及晴元戰于天王寺敗績村宗戰死高國走居崎晴元兵執而殺之季世記分季世記記○彗星見東方補任○秋七月從四位下左馬頭足利政氏卒于古河子高基嗣○九月上杉憲政代憲廣為管領足利判鑑○天文元年春正月初木澤長政仕畠山義宣既而降晴元與其寵臣三好政長諸三好元長晴元由是與元長有隙至是元長通謀義宣據堺南莊細川之持說晴元和解之晴元不聽之持憤邑歸阿波季世記○三月式部卿邦高親王薨

補任

○夏五月義宣圍長政於飯森城長政與政長謀白晴元求援本願寺光教光教許之六月光教招募其徒擊破義宣義宣亡匿佛寺長政索捕殺之遂圍元長于南莊元長與義維走顯本寺長政復圍之遂殺元長執義維送於河內○秋八月長政與本願寺僧徒爭鬪僧徒大怒益發其徒攻晴元長政擊破之於是近畿僧兵所在並起共攻晴元晴元乞救六角定賴定賴將兵攻本願寺又說法華僧徒興兵京師法華二十一寺率檀越兵圍本願寺縱火焚之光教敗走季世記○彗星見東方補任○冬十月奈良一向宗復起應光教○二年春正



月搆津一向宗復起攻晴元大破之晴元奔淡路又攻伊丹城木澤長政募法華兵援之內外夾擊大破之○夏四月晴元復還堺據池田城光教走保大坂城五月長政攻大坂城堅不拔長政引去○秋九月僧兵拔越水城○豐後守護大友義鑑入朝因大納言藤原公條奏請贈故大將軍源義澄官位許之丙辰詔贈太政大臣從一位季世○冬十月壬午有流星墜西南擊如雷補任季世是歲大內義隆遣陶道麒攻小貳冬尚于勢福寺城分兵向佐嘉鍋島清久擊破之義隆率大兵攻冬尚九州○十二月以皇子方仁為親王邦輔親王為式

部卿補任邦輔貞敦之子也紹運錄○三年春三月大將軍

義晴至坂本時畿內大亂不得入京長亨年後畿內兵亂記○夏

四月少貳冬尚與大內義隆講和義隆使陶道麒留鎮

肥前遂凱旋九州時九州擾亂互相侵奪朝廷詔義隆

討平九州義隆發兵征之秋月原田菊池等諸族望風

皆降室町朝廷賞義隆功叙從四位下○秋七月前關

白尚經薨○八月京師大風水補任是歲河內守護代游

佐長教逐其主畠山植長立其弟石垣長繼季世○四

年春正月己酉所生准三宮藤原氏薨庚戌上藤原氏

號曰豐樂門院○秋八月前左大臣藤原實香為太政



大臣補任舊制拜大臣者行大饗禮延喜式謂之大臣節會

長亨已後廢而不行焉補任○冬十月從四位下左兵衛

佐足利高基卒千古河子晴氏嗣鑑判○岡崎城主松平

清康將兵略尾張進屯森山暴卒于軍清康度量絕人

有勇略及卒人皆痛惜焉武德大成子廣忠嗣祚祖父信定

因其幼而奪岡崎安部定吉奉廣忠奔伊勢德川○五

年春正月以諒闇停節會○二月壬子行即位禮補任時

國用匱乏不能行禮大内義隆奉貢以助經費於是始

得行禮龍造寺記○夏五月義隆入朝賞功為太宰大貳補任

入朝據無防長豐筑守護專領山陽及鎮西之事時辰

子晴久秉中國兵權當時稱山陽謂其部將曰義隆奉

勅專中國鎮西兵權然我終不能為之麾下也乃率兵

三萬餘次青野鼻義隆聞之怒曰我奉勅專征伐而晴

久方命興兵非叛而何宜速發兵討之乃使陶晴賢等

逆擊自將兵一萬繼發晴久嬰疾引軍而還義隆亦旋

師室町○秋七月京師法華僧兵乘勝專恣縱火焚諸

寺遂率兵攻延曆寺攻延曆寺延曆寺僧徒起兵擊破

之焚二十一寺斬獲千餘人京師坊里率皆罹災時三

宅國村與本願寺光教謀以細川晴國為高國嗣保大

坂城木澤長政攻破之○八月晴國走堺津為追兵所



殺國村遂降晴元○河內高屋城主畠山長繼為其臣

所弒游佐長教迎故主植長立之季世○冬閏十月關

白尹房罷○十一月前左大臣藤原植家代為關白太

政大臣實香罷補任按實香本書不○十二月武田晴

信攻信濃海野口城拔之晴信信虎之子也小名勝千

代沈勇有謀略年十六加首服任信濃守本書作大膳

大膳初任信濃守後為從信虎攻海野口平賀成賴率兵

來援攻之踰月城堅不可拔會天大雪信虎遂解圍而

去晴信請殿強而後許之晴信兵裁三百黎明辨嚴徑

襲敵城敵兵以為信虎解去散遣士卒守兵甚少倉黃

潰走晴信掩擊殲之遂斬成賴置守兵而歸信虎不憚

曰宜守城報捷不可棄城而去也信虎為人疆暴愛次

子信繁頗有易嫡之志晴信知之深自韜晦人以為不

慧至是始服其智勇甲陽軍鑑是歲駿河守護今川氏輝卒

無子弟為僧至是還俗襲職更名義元季世娶武田信

虎女生子氏真甲陽軍鑑先是九州沿海之民數侵明邊境

浙江尤甚明主使蔣海胡節志等來豐後請嚴加禁止

至是蔣海移文對馬復請禁賊民續善隣國寶記○六年春正

月彗星見北方補任○夏四月修理大夫上杉朝興率子

河越子朝定嗣北條○五月今川義元納松平廣忠于



岡崎先是安倍定吉奉廣忠依義元請納焉義元許諾

至是參河舊臣奉廣忠還岡崎定吉從廣忠間關流離

竭力保護竟全社稷云武德大成○秋七月北條氏綱攻上

杉朝定於河越大破之遂取其城朝定走保松山城北條

記○冬十月前內大臣藤原實隆薨尊卑躰道遙院實

隆練達典故又善和歌所著有雪玉集道遙院裝束抄

書本○十二月關白植家任太政大臣補○七年春三月

武田晴信逐其父信虎自立先是信虎將廢晴信使人

謂之曰汝宜往駿河講習技藝其意欲逐之立信繁於

是信虎如駿河使信繁守國幽晴信於甘利備前家晴

信密與板垣信形飯富兵部謀使人致意義元義元以

謂信虎悍而難制不如擁立晴信彼必服屬於我矣乃

許諾至是晴信遂據甲府拒信虎而不納甲陽軍鑑

外史氏曰應永以後真可謂亂世哉臣弑君者有之

子弑父者有之兄弟相鬪尋干戈者有之而天子不

能誅將府不能討是亂臣賊子所以繼踵而起也武

田晴信之距信虎甚於衛輒其滅絕倫理罪亦大矣

假使義元諭晴信以大義諫信虎待之如初庶可以

全父子之恩也而義元計不出此反助其逆徒知黨

之之為利而不知其國為之所并甚哉權謀詐術之



為害也

○秋七月武田晴信及諏訪賴茂小笠原長時戰于葦

崎大破之斬級二千七百餘甲陽鑑○冬十月北條氏綱

及足利義明戰于鴻臺破斬之關東兵亂記義明子賴

純奔安房足利判鑑○八年冬十一月前權大納言藤原房

家薨於土佐補應仁之亂與父奔土佐外記至是薨年

六十五補○武田晴信荒耽酒色不恤政事又好文雅

常延僧徒賦詩老臣患之不得見板垣信形稱疾不出

潛招詩僧學為詩性敏捷不數月能之一日出陪詩筵

晴信怪之信形求題賦詩辭理可觀晴信大驚授以新

題立成晴信大悅於是信形諫曰詩賦固可喜然廢事

妨務夫為君者要在於治國撫士往者京兆君以亡道

遂致廢黜今君驕恣抑又甚焉今而弗悛必蹈覆轍臣

直言犯顏甘就顯戮晴信納之甲陽鑑

外史氏曰若板垣信形者可謂善諫矣易曰納約自

牖信形有焉

是歲美濃守護土岐賴藝為其臣齊藤利政所逐老雜話

利政京師人家貧賣油以為業後仕土岐老臣長井氏

既而殺之奪其邑至是逐國主賴藝盡并其地信長家譜薙

髮稱道三總見○九年夏五月京師大水○秋八月大

續皇朝史略 卷三 九



風畿內兵亂記 ○九月毛利元就屬屋子晴久既而與晴久

有隙大内義隆使陶道麒說之元就遂屬義隆發兵取

晴久管内數城至是晴久起兵攻元就元就嬰城固守

○冬十二月義隆遣陶晴賢帥師救之毛利記安是歲

天下大疫畿內兵亂記 ○十年春正月以梶井宮貞齊為親

王天台座主覺胤法親王薨補任 ○毛利元就與屋子晴

久戰大破之毛利記安 ○夏五月大内義隆攻安藝守

護武田信實於銀山城破斬之武田氏世據銀山自持

世至義隆數世相爭至是終滅之又攻山名理興於備

後取神鳥城於是備前備中望風悉皆降附義隆 ○秋

七月伊豆相模守護北條氏綱卒年五十五子氏康嗣

北條五代 ○冬十二月兵部大輔大内義隆叙從三位 ○

十一年春二月關白植家罷 ○三月左大臣藤原忠冬

為關白補任 ○河内守護畠山植長使游佐長教擊木澤

長政破斬之季世記 ○大將軍義晴還自近江畿內兵

○秋八月今川義元及織田信秀戰于小豆坂敗績信

家譜是歲松平廣忠生子家康是為東照公高祖長親見

而大喜曰此兒容貌非常必當貴顯也武德大成 ○十二年

春正月丙子朔日有食之補任 ○二月大内義隆與屋子

晴久戰于出雲義隆敗還初義隆養藤原房家子為子



任周防介年十一從義隆在軍及敗乘舟而逃舟覆溺

死義隆記安西軍策 ○秋八月波爾杜尾爾人百餘人乘一大

船來多嶽島其人深目高鼻言語不通明人一人從而

來以杖畫沙諭以西蠻求互市之意所齎有鳥銃島主

時堯姓購得之使人學之自是國人始傳鳥銃按甲陽

條記益云永正七年南按武蠻始貢鳥銃未知何據船長二人一曰牟良林舍按武

古佛來釋一曰喜利志多孟太南浦集波爾杜尾爾據

曰幾利志丹即喜利志多也又按寄園寄所寄作契利

斯當如是我聞作契利斯替蓋稱奉耶蘇之教者曰幾

丹利支天教之入我國自是始也其後大友義鎮深崇奉

之自是其法浸盛大友記九○細川高國黨玉井某奉

細川尹賢子氏綱為主據堺南莊松浦肥前守擊走之

○冬十月細川晴元遣兵擊玉井破之氏綱出走李世

○上杉憲政大舉圍北條綱成于河越城憲政遣使古

河請出師曰師幸得捷納將軍於鎌倉晴氏許諾晴氏

娶北條氏綱女以故氏康亦遣使說晴氏曰聞明府出

師伐我我不知其罪且隣國相伐明府何與焉願明府

勿救之晴氏從之憲政又遣難波田彈正說之曰將軍

從氏康之言議止出師臣竊以為過何也瑞泉君已來

世典關東兵權長春君已後鎌倉失守喪亂至今管領

輔將軍欲復舊業而將軍以姻戚之故重伐氏康夫氏



康自其父祖吞噬數州其意欲滅管領并關東此將軍之讐敵也將軍宜與管領戮力以翦滅之取威定霸於中是乎在矣晴氏然之乃率兵會憲政為長圍絕餉道城中大困會氏康來援以為敵眾我寡不如以計撓之乃遣使請獻城邑晴氏不許尋又請降又不許由是憲政意侮氏康不復設備關東兵亂記○十三年春二月武田晴信伐諏訪賴茂數破之賴茂納款三月賴茂來甲府晴信使人誘殺之其黨復叛甲陽軍鑑○夏四月北條氏康夜襲上杉憲政營大破之難波田彈正戰死憲政脫走綱成率城中兵襲晴氏晴氏潰走自是關東諸將咸屬氏

康關東兵亂記按判鑑北條○秋七月京師大水補任○

大將軍義晴與細川晴元講和畿內兵亂記○八月前關白

尚通薨補任○十四年春二月武田晴信使弟信繁平誅

訪賴茂餘黨長坂左衛門斬其將蓮甫初長坂有罪被

逐至是貫之後薙髮稱長閑賴茂有女美色晴信聞欲

納之板垣信形飲富兵部皆以為不可獨山本晴幸以

為納之誅訪將士必當來歸此懷敵之策也晴信遂納

焉有寵生子勝賴晴幸參河人善兵策為人跛眇貌極

寢周遊天下時人莫識晴信見而奇之引參謀議日見

親近甲陽軍鑑○夏五月畠山植長卒無嗣游佐長教立植



長弟政國為嗣李世○六月關白忠冬罷以左大臣藤

原房通關白補任○秋八月庚寅黃雲四塞艸木皆黃人

以為異季世記按和漢合運○十五年夏四月京師大

雨雹亂記○前關白忠冬薨補任○秋八月畠山政國

納細川氏綱于高屋城圖伐細川晴元晴元遣兵攻之

政國逆戰破之晴元發阿波讚岐淡路兵攻之○九月

攝津豪族三宅池田等皆應政國伊丹親興獨固守拒

之政國與晴元數接戰互有勝負季世○初上杉憲政

為北條氏康所破國勢日蹙至是其寵臣菅野大膳上

原兵庫勸憲政討武田晴信冬十月戰于笛吹嶺大敗

關東兵○征夷大將軍義晴罷子義輝為征夷大將軍

亂記○征夷大將軍義晴罷子義輝為征夷大將軍

補時年十一義輝初名義藤後更今名與義晴居東山

慈照寺○十六年春三月義晴惡細川晴元之專恣與

畠山政國謀除之率兵九百餘出屯北白河城夏四月

晴元與三好範長等率四國兵三萬餘陣東山既而攝

津兵起乃引還○秋七月晴元大舉進入京師晴元娶

六角定賴女以故定賴亦黨晴元將兵一萬來攻義晴

義輝奔坂本畠山政國及游佐長教入援京師路遇敵

軍敗走義晴復與晴元講和○冬十月細川氏綱及其



記是歲武田晴信及村上義清戰于上田原大破之義

清奔越後甲陽軍鑑○十七年春細川氏綱與細川晴元議

和○夏四月晴元還堺四國兵皆罷歸○六月義晴義

輝復歸京師○初三好範長範長薙髮怨其族政長長政

薙髮稱宗三諧殺其父欲殺之政長有寵於晴元以故猶豫

未發○秋八月政長兵在池田城範長悉逐之範長弟

十川ツガウカサ一存聞之分遣部將於各所扼要害政長子政勝

據榎並城拒守既而一存亦歸範長晴元遣兵援榎並

範長大怒遂叛晴元送款氏綱於是攝津河內丹波播

磨等諸國皆應之聲勢大震伊丹親興獨據城拒守季世

記○冬十二月關白房通罷左大臣藤原晴良代之是

歲大内義隆進從二位補義隆既領七國守護國富兵

疆位踰父祖意稍驕恣好和歌茶湯不恤國事紀綱日

紊時皇室衰微公卿避亂咸來山口義隆遂欲遷帝都

于其國中國治新制坊里開三條九陌殫極壯麗室所

記識者謂義隆捨干戈慕衣冠大内氏之業衰矣義隆

○十八年春正月三好範長縱火焚伊丹三月範長游

佐長教等進攻中島破之政長退保榎並城範長乘勝

攻之○夏四月細川晴元率兵南下與政長合勢進屯

武庫縱火焚足崎○政長出陣江口時晴元守三宅城



範長使一存陣別府以絕餉道由是敵兵乏糧癸丑一  
 存攻破三宅晴元奔京師又攻江口拔之遂斬政長時  
 六角義賢陣九條進藤貞治陣山崎將援晴元聞敗引  
 還丙辰義晴義輝復奔坂本季世○初村上義清之奔  
 越後也依長尾景虎請假其兵復舊土景虎許諾時為  
 景死景虎嗣年僅十八為人英毅有勇略○冬十月景  
 虎出屯信濃及武田晴信戰于海野自是甲越戰爭殆  
 無寧歲甲陽軍鑑是歲織田信秀卒子信長嗣豁達好任俠  
 不修行檢其傅平手政秀數諫之不聽按信長譜作清  
成及尾張政秀寺舊記乃為書切諫曰君若納臣言臣雖死不朽

矣遂自殺信長覽書感泣自是深自勉勵信長譜後創

寺清洲曰政秀寺政秀寺記初信長娶齋藤利政女利政欲

觀其為人請相見焉服其雄武謂人曰吾子孫必為之

奴也信長譜○初岡崎城主松平廣忠質東照公於駿

河道為織田信秀所奪至是廣忠卒群臣議納款尾州

以迎東照公會今川義元遣兵攻織田信廣破之城陷

有日使人報信長曰若還岡崎質子吾不殺信廣不則

殺之矣信長從之東照公由是得還時方八歲武德大成○

十九年春二月豐後國主大友義鑑為其臣津久見美

作所弑子義鎮嗣義鎮少好畋獵性麤暴數手刃人嘗



作大刀長四尺餘其傳入田親真諫曰此刀雖大所斃  
 不過數人夫人君鋒刃之利有銘於斯者仁慈以撫民  
 德惠以勸衆上下輯睦闔國悅服以此征國何國不服  
 以此陷陣何陣不摧此之謂人君之鋒若夫逞意一劍  
 徒事斬伐此匹夫之勇非主將之任也義鎮大怒遂誅  
 之其後驕暴滋甚老臣曰木鑑速告岡宗歡等憂之條  
 其過失諫之義鎮悔悟自是兇暴頗止大友記○足利義  
 晴城東山將徙居焉既而憂憤得疾會夢吟義政萱草  
 歌又命結城國家以土木之事覺而告侍臣皆曰吉也  
 然萱草義政惡亂所作也國家既死數年間者以為不

祥義晴欲入城討賊而疾益篤六角定賴諫止之不聽

三月進至穴太伊丹親興叛降干範長以故稽留萬松院殿

閣維記穴太記藤原前久悼義晴辭疾革召上野信孝伊勢貞孝等遺命

以平賊納義輝于京師夏五月義晴薨年四十彌萬松

院萬松院殿閣維記穴太記贈從一位左大臣補晴元白義輝曰穴

太迫敵地宜移軍坂本不出五旬納將軍於京師矣義

輝曰先公使諸將守城曰吾已與定賴約出師勦敵若

定賴背約我當親討之言猶在耳且今日之計可進而

不可退矣士卒聞之踊躍然晴元等皆不欲行義輝遂

退屯寶泉寺萬松院殿閣維記穴太記○秋八月大水和漢合運○九月



天台座主尊鎮法親王薨○冬十月堯尊法親王為天

台座主○十一月三好範長入京師攻焚東山補○二

十年二月三好範長使其臣松永久秀攻近江進陣志

賀六角義賢濟湖水逆擊久秀敗走時伊勢貞教在京

師與範長判決京畿之政季世範長課京師之民出地

子錢足利家譜○三月貞教招範長飲讌進士賢光挺刀刺

範長左右驚起救之遂殺賢光範長創小不死季世畿內兵

亂○秋七月細川晴元進陣相國寺範長攻焚之晴元

敗走○八月陶晴賢弒其主大内義隆周防大亂初晴

賢與相良武任爭權不相能武任譖晴賢義隆信之遂

疏焉晴賢怒之還其邑稱疾不出密為叛計義隆不以

為意會賓客日夜宴樂甲申晴賢率兵徑襲山口義隆

狼狽出走赴大寧寺晴賢追圍之義隆竟自殺安西軍

記稱疾不出時關白尹房前左大臣藤原公賴中納言

藤原親世左近衛中將藤原良豐來寓山口為亂兵所

害補任季世晴賢立義隆甥大友義鑑子義長為嗣自專

威權薙髮稱全姜季世是歲關東管領上杉憲政

奔越後鑑判其臣日方新助九里采女捕憲政子龍若降

北條氏康氏康殺之并日方九里等關東兵亂初憲政

藉累世之豐富窮極奢侈荒耽酒色菅野大膳上原兵



庫以諂佞見寵恃勢專權恣為威福以是將士離心竟

至亡國關東兵亂記○武田晴信薙髮稱信玄甲陽軍鑑○

二十一年春正月近江守護六角定賴卒子義賢嗣佐

木系○細川晴元與細川氏綱和親大將軍義輝復歸

京師晴元以其子信良為質薙髮稱一清與其佞出奔

李世二月氏綱及弟藤賢至京見義輝義輝以氏綱為

右京大夫藤賢右馬頭李世將記將譜○三月長尾景

久秀代其主秉權李世威震京師將軍○三月長尾景

虎及武田晴信戰于時田甲陽軍鑑○夏四月雨雹畿內兵

○五月三好範長率兵赴丹波攻波田野晴通於屋上

城範長部將芥川池田等與晴通合謀啗擊範長範長

兵有知其謀者告範長範長退還有馬由是和議復敗

範長憲信良為敵所奪取置越水李世○秋八月恒直

親王薨補任○冬十月北條氏康遣兵古河執足利晴氏

及子義氏幽之波多野○十二月長尾景虎薙髮稱謙

信上杉憲政既奔越後以上野與景虎授以其姓及管

領職於是景虎改氏上杉甲陽軍鑑○二十二年春正月關

白晴良罷左大臣藤原兼冬代為關白補任○三月細川

晴元餘黨作亂松永久秀討平之李世○夏五月武田

晴信滅小笠原長時并其地甲陽軍鑑○六月阿波守護細



川持隆為其臣三好之康所弒分記○秋七月義輝

徵還細川晴元三好範長畠山高政聞之率兵二萬入

寇京師義輝及晴元奔近江記○以彦胤法親王為

天台座主補○八月範長下芥川城徙居焉迎細川信

良於越水記○二十三年春二月關白兼冬薨三月

左大臣藤原晴嗣為關白補○夏四月松永久秀攻三

好政勝於丹波走之晴元將人見香西等據明石城與

赤松晴久相持○弘治元年春正月三好範長率兵援

晴久進陣大山寺香西乞降範長遂引兵而還記○

秋九月毛利元就擊陶晴賢於嚴島破斬之初元就築

岩嚴島欲以計誘致晴賢謂人曰晴賢若拔嚴島我

軍必無利矣晴賢聞而大喜乃將兵二萬餘至嚴島元

就使其子隆元元春等進陣海濱壬戌晦夜大風雨元

就將舟師向嚴島隆元元春亦來會議使舟子回舟乃

以元春為先鋒直襲不備晴賢兵崩潰赴水溺死者無

算晴賢走至海濱無舟不能濟為追兵所逼遂自殺西

軍○冬十月先是北條氏康徙足利義氏於葛西谷至

是任左馬頭後徙關宿判鑑關東是歲九州賊民侵朝

鮮拔達梁殺守兵和漢○二年春正月彗星出東方○

二月地大震補○冬十月前關白房通薨補○三年春



三月毛利元就將兵至周防敵兵望風降附進攻山口

大内義長軍敗自殺於是周防長門備後安藝皆屬元

就兵威大震安西軍策○夏五月足利晴氏卒于關宿判鑑是

夏大旱○秋七月地大震八月大風水補任攝津海溢漂

沒人家季世記○九月帝崩壽六十三謚後奈良帝紹運錄

在位三十一年改元者三曰享祿天文弘治和漢合運方仁

親王立是為正親町天皇

續皇朝史略卷之三終 男延昌書

芳澤謙吉 是



芳澤氏